

NICOLAO A QVERCETO PRAET. 63
te Longolij. Hæc ut tibi scriberem, libido quædam me im-
pulsit animi, sese tibi (propè dixerim) uenditare non dubi-
tantis, si uera de te audiui, hominem alioquin haud cupi-
dum operarum, prolixumq; pollicitatorem, aut si qua est
in me facultas, gestientem eius uenditorem. Verum cū
te de eo amare magnopere cœpisssem, quod libens faceres
ut bene ab omnibus audires, latere te nolui humanitatis
illius tuæ, benignitatisq; documentum, hic etiam testatis-
simum esse, nec fama sua fraudatum: cum antea Sadoleti
nomen, & chirographum in aula Gallica notum sit, & ce-
lèbre ob literas Pontificias, Sadoleti nomine augustiores
iàm haberi nostrorum opinione cœptas. Vale. Parisijs se-
xtodecimo Calend. Septembris.

GVLIELMVS BVDAEVS NICOLAO
A QVERCETO PRAETORI
MEDIOLANENSIVM S.



I eo fato natus essem Nicolaë charissime, ut
animo meo obsequi sæpenumero nullo rerū
mearū incōmodo possem, ita omnia moderā-
te fortuna, ut utilitas & uoluptas inuicē in-
currerēt: id mihi nimirū fortuna iudulsiſſet,
ut inoffenso cursu iniuncti mihi nup̄ muneris in Narbo-
nensi puincia, Mediolanū obiter ire liceret: & te mihi co-
gnatione, amicitiaq; cōiunctum inuisere, honore istic pri-
mario secunda fama fungentē: præterq; etiā q̄ alioquin iā
diu superare Alpes destinarā ualetudinis gratia, quæ mi-
hi cura præcipua semper erit. Nihil em̄ mihi tātōpere cor-
di est, q̄ ut naturalem habitudinē corporis recuperē: quā
annos iam quattuordecim atq; etiā plures amisi, dum lite-
rarum magis studiosus, q̄ lucis cupidus eram. Id autem
uix diuerticulum opportune oblatum, ut libentius am-
plecterer, accessit, q̄ te in muneris tui functione inspice-

re, obseruareq; gestiebam. Rem & hilariter susceptam, & commode iam instructam disturbauit iamiam me uiam inituro nostrae legationis calamitas non obscura, obitus Maximi aulae nostrae magistri, à quo ipso ueniam in Italiã diuertendi impetrandam duxeram: cuius mors publice lamentabilis. Principi etiam luctuosa, priuatim comitatu eius importuna, mihi eo amplius fortasse calamitosa fuit: nam germano tuo, qui tum mandato eius aberat, quid dani, trilitiaeq; importatura sit, existimo coniectu esse tibi facile. Atqui ita sum eo casu deiectus & contractus, ita omnis mihi hilaritas fronte, oculis, ore, & uultu deniq; deterfa est & excussa, ut iocari nunc ad te scribens nequeam: nec tecum comperendinatam illam cõtrouersiam epistolari proluisione disceptare: interim dum tu huc redis, aut istuc ego uenio, iustam ipsi litis contestationem facturi, & coram altercaturi. Sensicq; quantum affert impetus laetitia gestiens ad magna itinera haud ægre peragenda, tantum afferre molestiae, tedijsq; uiatorij ægritudinem animi mœstam ad corpus, atq; animum fatigatione conficiendũ. Facilius certe mihi uideor illud uiaẽ dispendium perferre potuisse, ut Auenione transiens, & superatis Ebredunensibus alpibus Mediolanum profectus, indeq; Lugdunũ reuersus, Magnum magistrum assequerer antequam in aulam reuertisset, quàm id uiaẽ quod feci recta domum cõtendens, etiam si ad itineris compendium nauigationem adieci, secundo Ligeri biduum & dimidiatum diem delapsus continuis imbribus aucto ad summum incrementũ. Tibi uero laetiora ut sint omnia, Deum superosq; omneis precor: tibiq; ita defungi clarissima ista liceat prouincia, istinc ut decedens patriae te parentiq; tuae, gentilibus, ac cognatis restituas: ut suauem, & plausibilem tui magistratus memoriam istic relinquant, & præclare integreq; muneris peregre acti commendatione ornatus, simul Transalpinae

alpinae disciplinae commercio locupletatus, lares tuos familiareis propinquosque reuifas: specimē etiam tui patrio aliquo munere fungendo propius nobis praebas. Duab⁹ enim his rebus auctum te magnopere, luculenterque redire respei nostrae non parum refert: quos ingenti quadam expectatione suspensos ad reditum tuum tenes, haud temeraria de causa. Magnum enim tibi testimonium praebet provincialis fama, tanto etiam interstitio locorum exaudibilis. Minutius Mediolanensis Senator, homo summa humanitate praeditus, & bonarum (ni fallor) artium bona fide studiosus, admodum fauere tibi uisus est, cum inter loquendum in tui mentionem incidissem. Fratris tui aduentus, cum haec scriberem, in expectatione domesticorum erat. Medulla genere Neapolitan⁹, Senator Mediolani hoc anno factus, uir literarum bonarum peritia commendabilis, etiam mihi alioqui charus est. Hunc si tibi iam familiaris quoquo modo factus est, uerbis meis salutabis, cum ita tulerit occasio. Literas unas accepi tuas, quas sexto Calendas Iulias scripsisti. His uidere me scribendi uiribus cupide prouocare, homo parum (ut arbitror) scribendis epistolis feriat: qua in re ne tibi cessisse officio uidear, etiam etiamque uidero, si tamen mihi diuina benignitate id factitare licuerit per incolumitatem, ac uitae tranquillitatem. Tu facito isti tuae ut fortunae famaeque ita instes, tuam industriam ita urgeas, eo summa curarum tuarum contentionisque animi incumbat, ut ne secundis tuis rebus populo non secundo in patriam remigres. Vale. Parisijs tertio Nonas Iulias.

GVLIELMVS BVDAEVS SAL

MONIO MACRI

NO S. P. D.